

Izi - Agape Ekwo-Ofu Chileke - God's Love Letter Scriptures

Jionu 15:9 Oo gę Nna mu yeru mu obu bụ gę mu yeru unu. O bụru g'unu nopyabeekwapho l'ime n-yemobu ono, mu yeru unu ono.

Azáya 43:1 O be lę nta; wakwa iphe, Chipfu epfu; mbụ onye ono, bụ iya meru gube Jiékopu; onye bụ iya kpuru gube Ízurelu pfube. O sru-a: B'atsushi ebvu; kèle mu gbafutawaru ngu. Mu kuru ngu oku; kukpoo ngu ępha ngu; mbụ l'i bụ nkemu.

Jieremaya 1:5 "Mu byaru akpu ngu ye l'ępho ne ngu; mu vuhanwaru ụzo maru ngu. Mbụ l'a byaru anwụ ngu; mu vuhanwaru ụzo họta ngu dobe iche; bya emee ngu onye epfuchiru Chileke l'ohamoha."

Jionu 15:16 O tọ bükwa unubedua họtaru mu; o chikwa mbedua họtaru unu dobe iche; k'ophu unu a-mị mebyi; mbụ mebyi, a-dụwaro kwaseru. Oo ya bụ; iphe, bükpo iphe, unu gude ępha mu sụ gę Nna nụ unu bę oo-nụ unu.

3 Jionu 1:2 Sụ-a; ṣonyà mu, dù mu l'obu; mu epfujekwa anụ Chileke g'o mekwa g'iphemiphe, jehuru ngu; ęhu adụ ngu ike; mbụ gę mu maanuru-a l'obu ngu bę ęhu dükwapho guu.

Azáya 43:4 Eshinu i dù mu mkpa; teme i bụru onye aakwabę ùbvù l'ęnya mu; teme eshinu mu yeru ngu obu; bę mu e-woru ndu nemadzụ nụ gude gbanweta ngu; nukwapho ndiphe gude gbanweta ndzụ ngu.

Jieremaya 31:3 bę Chipfu shi l'ęka dù ęnya mee g'o hümä iya. Mu yeru ngu obu yee ngu iya k'ojejoje. Mu gude n-yemobu mu kpuritaru ngu.

Hosiya 11:8 "Sụ-a; gube Ifuremu; ?denukpo gę mu e-shi haa ngu? Gube Ízurelu; ?denukpo gę mu e-shi woru ngu ye ndu ozy l'ęka?

Jionu 3:16 Lę Chileke yekwaru ndiphe obu; yetabe iya k'ophu o nṣru Nwa lanu, o nweru kpoloko: g'oburu onye kwetarụ nkiya; onye ono taa ladu l'iswi; o nwechiaru ndzụ ojejoje.

Azáya 49:15,16 Ne; ?oozohaje nwa, angu iya era l'obu; mbụ kę g'o tọ phürü nwa, bụ iya nwuru iya obu-imemini? O -jekponu azoha bę ozy-zohakwaa; obenu lę mbedua ta azohadu ngu! 16 Tii ledu; mu deakwaru ępha ngu g'uri l'obochi-ęka mu; ophu mu azohajedu igbulø ngu ono azoha.

Azáya 41:13 Noo kèle o mbedua bụ Chipfu; bya abụru Chileke ngu; onye sekpu ngu l'ekutara ngu; bya asụ ngu g'i ba tsushi ebvu; lę mu e-yeru ngu-a ęka.

Matiyu 28:20 Unu zije phę g'ephe meje iphemiphe, bụ iphe, mu kakotaru unu g'unu meje. Unu hümä ahümä lę mu nökwa swiru unu mbóku-mbóku jeye teke mgboko a-bvụ."

Jionu 14:1 Jizosu su phę: "Unu ba atsukwa ɔshi l'ime obu unu. Unu woru onwunu ye Chileke l'eka; unu ewokwarupho onwunu ye mbedula l'eka.

Azaya 41:14 "Ba atsukwa ebvu; gube nworishi ono, bu Jiékopu; mbu gube nwata-une, bu Ízurélu; kèle ɔo mbedula l'onwomu e-yeru ngu ęka." Noo iphe, Chipfu epfu; mbu onye ono, gbafutaru ngu nü ono; bya aburu Onye nsɔ ke ndu Ízurélu.

Azaya 43:2 Teke ɔ bu mini bę iirwughata bę mu noephō swiru ngu eswiru. Teke ɔ bu nggele bę iime g'i ghata; o too ridu ngu. Teke i jeru ije je aghabua ɔku; ɔ tɔo hudu ngu; ɔphu ire ɔku iya te ekepyashidu ngu.

Egvu-Qma 23:1-6 Chipfu eche mu g'onye eche aturu; ɔphu ɔ dükpodaa iphe, uko iya bya aduru mu. 2 Oomeje gę mu zee tüta unme l'eka irwu ęswa du. ɔ nodu eduje mu eje l'aguga mini, doru nyimunyimu. 3 Oomeje g'obu gu-zeta mu. ɔ bürü uze, pfuru ɔto bę oodujeru mu shia g'ee-shi g'ępha iya apfuru. 4 Obetakpoo ɔ bürü uze, du le nsuda, gbahuru tsükiribaa bę mu eshi ɔ to dudu ejo-iphe, mu atsü ebvu iya; kèle i no swiru mu eswiru. Mgboro mę oshi-mpalęka ngu anoduje adu mu obu. 5 ligweshijeru mu nri ge mu ria l'iphu ndu achı mu le njø. I nodu eteje mu manu, eshi mkpo l'ishi g'eemeje onye a kwaru ębyaa. Okoro mu bę iimeje; l'o ji pyimu pyimu ebushihu ebushihu. 6 ɔ büephō k'oma waa n-yemobu Chipfu a-nodu etso mu jasükpoo gę mu a-no-beru. Mu ebuerupho l'ulo Chipfu jasükwaruoya.

Jionu 14:27 "Sü-a; mu haakwaru unu ęhu-guu. Ęhu-guu ono bürü mbedula bę o shi l'eka; ɔ to bükwa ędu iya ɔphu eshije ndiphe l'eka bę mu nüru unu. Unu ta ayojekwa ɔshi l'ime obu unu; ɔphu unu atsukwa ebvu.

Filipayi 4:7 ɔ ya bu; g'ęhu-guu kę Chileke, bu iya kwata dakiri ge nemadzü egude uche iya maru; aburu iphe, e-wota obu unu mę uche unu kwachia l'ime Kéreshi Jizosu.

Etü 3:24 ! -zee azee; ndzü ta aguedu ngu. Mbü-a; mgbenya atsöaha ngu ntumatu mę i zee azee.

Egvu-Qma 4:8 Mu a-tökpoephō nwęhu zę-zeta kuru mgbenya l'ęhu-guu; kèle ɔo gube Chipfu kpoloko emeje gę mu maru l'ɔ to dudu iphe, sürü mu emebata.

Egvu-Qma 33:18 Obenu le-a; ęnya Chipfu dükwa l'ęhu ndu atsü iya ebvu; mbu ndu ono, daru ngabęru n-yemobu iya;

Romu 5:2 ɔ Jizosu Kéreshi ono shi l'ekwekwe, anyi kweru nkiya duba anyi l'eze-iphe-ɔma ɔwanawa, anyi gude dzürü ndzü-a. Ęhu nodu anoduje atso anyi l'anyi ele ęnya l'anyi le Chileke e-mechaa gbaru mgba l'odu-biribiri iya.

Azaya 55:12 "Unu e-gude ęhu-łtso lufu; l'eeduta unu dufu l'ęhu-guu. Iphe, bu úbvú úbvú aswókobe wata agü ebvu l'iphu unu. Nokwapho g'iphe, bükpoo ɔshi, nokota l'ęgu a-nodu akükota ęka.

Jionu 16:22 Nokwapho g'ɔ du unu nta-a bu ono. Nta-a bę unu a-nodu atsü ude; ɔle ujiku lanu bę mu l'unu a-hüma ɔzo; teke ono bę ɔnochı a-nashihu unu. ɔ

tọ duedu onye anafubaa unu ẹhu-ṣtso unu teke ono.

Luku 12:9 Obenu l'onye pfuru l'edzudzu-pha pfua ya hoo haa lẹ ya ta amadụ mu bẹ mu a-pfukwarupho l'edzudzu ụnwu-ojozi-imigwe kẹ Chileke pfua ya hoo haa lẹ mu ta amadụ onye obu.

Matiyu 10:30 Mbụ-a; egbushi, nọ unu l'ishi bẹ ọ guchaakwaru ọgu nanu nanu.

Azáya 54:10 O -betakpọ úbvú l'ophu nmakota jjijiji; a pashja obvu obvu, l'eka ẹphe nogbaa; bẹ n-yemobu ojejoje ono, mu yeru ngu ono ta aphongakwa aphonga; ophu ọgbandzu ẹhu-guu nkemu ono egbukahukwa egbukahụ.” Nokwa iphe, oopfu; mbụ Chipfu ono, aphụru ngu obu-imemini ono.

Matiyu 11:28-30 “Sụ-a; unu byapfuta mu; unubẹ ndu esegbu onwunu l'akanya; teme unu vuru iphe, anyị ेrwa; mu e-zì iya unu g'unu tuta unme. 29 Unu bya evuta ivu, shi mu l'eka; g'unu anwụta mu iphe l'eka; kélé mu eme gelee bya abụru onye wozetaru obu alị. Mu e-mekwa gẹ meji nmapfuru unu. 30 L'iphe, mu eboje g'e vuru ta abükwa iphe, anyị ेrwa. Ivu nkemu dükwa nphe evuvu.”

Egvu Sólomonu 2:10 Onye mu yeru obu sükwaru mu: “Gbeshi gube onye dù mu l'obu; mbụ gube onye ono bụ nwọma-mma mu; tsonuru mu!

Hosiya 2:14,19,20 “Noo g'o gude mu nodu abyawaa iya edeta dephua. Mu e-deru iya deba l'echięgu je erwebe ẹhu erwebe pfuru opfu nụ iya. 19 “Mu a-lụru ngu jasụ l'ojejoje; mbụ mbędua l'onwomu. Mu a-lụru ngu l'ụzo apfubekoto; yee k'ikpe, pfuru nhamunha. Mu e-ye ngu obu; aphüjeru ngu obu-imemini. 20 Mu a-lụru ngu emeru ngu ire-lanu. L'ị makwanuru mube Chipfu rengurengu.

Awụfu 3:14 Chileke sụ Mósisu: “Mu bụ onye mu bụ. Iphe, ii-pfuru ndu Izurelu bụ l'ọo mbędua, bụ Chipfu ziru ngu g'i byapfuta phẹ.”

Hosiya 13:4 “Obenu l'ọ kwa mbędua bụ Chipfu bya abụru Chileke unu. Ọ mu bụ onye dufutaru unu l'alị Ijiputu. Unu ta adükwa iphe ọzo, unu e-je amaru gbahaa mbędua. Ọphu ọ dükwa onye ndzota ọzo, dù nụ; gbahaa mbędua.

Jionu 15:14 Unu bugbaa ṣonyà mu mẹ unu -nodu emeje iphe, mu sụru g'unu meje.

Jionu 14:6 Jizosu sụ iya: “Ọ kwa mbędua bụ ụzo; bya abụru ọkpobe-opfu; bya abụru ndzụ. Ọ tọ dükwa onye abyapfuta Nna; abụdu l'onye ọbu shi mu l'eka.

Ọphulenya 3:20 Unu lenu; mu pfuakwaru l'ọnụ mgbo akụ ẹka l'ụzo. Onye nụmaru olu mu; guhaaru mu ụzo; mu abata; mu l'iya erigba nri; onye eria kẹ nwibe iya; onye eria kẹ nwibe iya.